



NANGUNGUNANG LINGGUHANG MAGASING PANTAHANAN SA BANSÀ

# IWAUWAW

Enero 14, 2019



**NOBELA**  
**KUNG DUMATING**  
**ANG PAG-IBIG**

Ni EFREN ABUEG

**TULA**  
**TIMPLA**

Ni GEROME NICOLAS DELA PEÑA

**KUWENTO NG LINGGO**  
**HANGGANG DITO**  
**NA LAMANG...**

Ni EVELYN L. ESTRELLA-SEBASTIAN



P25

# Toni at Alex GONZAGA



Larawang mula sa Google

## Mga New Year's resolutions na hindi mahirap tuparin

NI LILIA BORLONGAN-ALVAREZ

**M**ARAMI sa atin ang totoong naghahangad na magbago at magbagong buhay. Kaya, tuwing sasapit ang Bagong Taon, inihahanda na natin ang isang listahan ng mga nais nating gawing pagbabago sa sarili. Ngunit kung minsan, sa dami ng nais na baguhin, hindi natutupad ni isa sa mga nakalista. Sapagkat, ang determinasyong magbago ay nagagapi ng saksakan ng daming ibig gawing *New Year's resolutions*.

Narito ang ilang maaaring baguhin natin sa ating ugali at gawi na hindi naman nakaluluha ngunit matutupad kung sapat ang "will" na matupad ito. Karamihan dito'y may kinalaman lamang sa mabuting pakikisama sa kapwa at kapitbahay:

**Magpapasalamat lagi ako sa tuwing may mag-abot ng aking pamasabe o sukli sa jeep.** Ito'y isang ugaling laging nakakaligtan ng mga pasahero sa jeep, lalo na kung mahaba ang jeep at kailangan talagang may mag-abot ng ating bayad at sukli.

**Hindi ako kakatok sa bahay ng may bahay kung oras ng tulong sa tanghali.** May mga taong sadyang parang walang sentido komun (*common sense*). Hindi dahil hindi ka mahilig matulog sa tanghali ay gayon din ang ginagawa ng iyong kapitbahay, kamaag-anak o kaibigan. Kaunting konsiderasyon lang ang kailangan para magbago ang di kanais-nais na ugaling ito.

**Hindi ako magpapatugtog ng karaoke o radyo nang malakas sa mga normal na oras.** Ito ang siguro'y pinamagandang *New Year's resolution* na maaaring gawin ng mga Pilipino, bukod siyempre sa hindi pagkanta nang wala sa tono. Higit na ikasisiya ng mga kalapit-bahay ang katahimikan kapag sila'y matutulog sa tanghali o gabí. Pagsapit na ng alas diyos ng gabí, dapat ay tiyagan na natin ang pagkanta. Napakaraming puwedeng gawin para maglibang maliban sa umawit ng "My Way" nang paulit-ulit - total humahantong lamang ito sa sakitan, saksakan at barilan ng mga lasing na magkakabarkada!

**Hindi ko hahayaang magtatahol ang aking aso o gumala anumang oras sa gabí at araw.** Ang hirap kasi sa marami sa atin, basta may aso ka ay maaari mo na itong patahulin

anumang oras. May isa kaming kilala sa *village* na pilosopo na inireklamo ng kanyang kapitbahay sapagkat napakaingay ng kanyang aso kahit malalin na ang gabí. Sinabi ng pilosopong mama: "Aba eh, humanap nga kayo ng asong hindi tumatahol at bibihin ko 'yong!' Mayroon pa ngang mahilig magbéro nang ganito: "Ah, ok lang 'yan. Kaunti lang namang mangagat 'yang aso ko!" Isang birong hindi nakakatawa!

Isa pang *New Year's resolution* na kaugnay ng pag-aalaga ng aso: huwag pbayaang gumala ito kung saan-saan, dumumi o bungkalin ang damo sa bakuran o hardin ng iba. Sapagkat, bukod sa magkakaroon tayo ng kaaway, baka isang araw ay malaman na lang natin na sinagasaan na pula ang aso natin, kinuha at ginawang pulutan, o nilason! (Hindi natin zlam ang maaaring gawin ng isang taong nakasagutan o nakaaway natin dahil sa aso!) Ang isa pang masamang epekto ng pagpapabaya sa ating aso (o pusa) ay baka makaganti ito at makamatay dahil sa taglay nitong *rabies*.

**Magbibigay naman ako nang sapat sa koleksiyon sa misa.** Hindi naman siguro mahirap baguhin ang pagiging kuripot at hindi naman hinihingi sa atin na ibuloy ang ikapulo (1/10) ng ating kinikita sa bawat buwan. Ang inaasahan lamang ay: huwag naman tayong maghagilap ng mga barya sa tuwing dadaan sa atin ang *collection box* o basket - bigyan naman natin ng dignidad ang ating inaabuluyan.

**Hindi ko pupunin ang aking pinggan sa mga handaan at pagkatapos ay magtitira lamang ako o magsusuka na parang lasing!** Hindi magandang ugali ang maging "takaw-mata" sapagkat madali namang bumalik sa mga nakahaing pagkain. Kumuha tayo ng kaya lamang nating ubusin sapagkat kay raming walang makain at mas mahirap maghugas ng mga pinggan puro tira!

Iyan lamang ang ilan sa madadaling gawing *New Year's resolutions*. Hindi kailangang marami, biglaan, at sabay-sabay na baguhin - isa o dalawa lamang na magaspang na ugali'y maaari nang umpisahan sa pagsapit ng Bagong Taon. Ang kailangan lamang ay maging *conscious* tayo sa mga mali at tamang gawi, lalo na sa pagkikipagkapwa-tao.



**HARAYA**  
NI DR. MICHAEL M. COROZO

## BAGA: Mga Piling Tula mula sa LIRA Fellows 2018

**L**ABIMPITO sa mga kalahok ng Palihang LIRA 2018, na nagbansag sa kanilang pangkat bilang "Batch Baga," ang pinalad na makapagtapos noong 4 Disyembre 2018. Mismong ang tagapayong-tagapagtatag ng Linangan sa Imahen, Retorika at Anyo (LIRA), ang Pambansang Alagad ng Sining para sa Panitikan na si Virgilio S. Almario, ang maluwalhatang nag-abot ng kanilang sertipiko ng pagtatapos. Sa kaniyang mensahe ng inspirasyon, mariing sinabi ni Almario sa mga nagtapos at sa lahat ng kasapi ng organisasyon na, "walang espasyo sa pagtula na hindi dapat mapunan ng tulang LIRA."

Ilinatag noong 1985, nilalayan ng samahán na maipamalay sa sambayanan ang sining ng Panulaang Filipino. Sa taunang palihan na idinaraos mula Hunyo hanggang Disyembre, sumasailalim ang mga kalahok sa masinsinang pag-aaral sa tradisyon at kumbensiyon ng pagtula batay sa mga kritikal na pag-aaral ng mga kinikilalang iskolar ng panitikan at sa matagumpay na praktika ng mga premyado at pinagpipitaganang makata ng bansa. Ang mga nakapagtapos sa palihan ay nominadong maging kasapi ng LIRA. Ibig sabihin, dadaan pa sa mabusing deliberasyon ng komiteng tagapag-organisa kasama ang malatangang kasapi ng grupo kung tatanggapin ba silang miyembro o hindi. Sa Marso ihabayag kung sino sa mga kabilang sa Batch Baga ang maging opisyal na kasapi ng LIRA. Si Aldrin Pentero, na nagwaging Makata ng Taon 2017 sa Talaang Ginto sa Tula ng Komisyon sa Wikang Filipino (KWF), ang kasalukuyang pangulo ng LIRA. Si Dr. Louie Jon Sanchez, na tatlong ulit naging Makata ng Taon ng Talaang Ginto at kasalukuyang nagtuturo ng panitikan sa Departamento ng Ingles ng Pamantasang Ateneo de Manila, ang direktor ng palihan.

Isa sa kahingian sa pagtatapos ng mga kalahok ang pagbuo ng isang antolohiya ng mga pumasang tula sa palihan. Mismong ang pangalan ng Batch 2018 ang ipinamagat sa kanilang antolohiya: *Baga*. Konseptwal o matalinghagang iniuugnay nila ang salitang ito sa apoy, pasò, tupok, darang, lagablal, ningas, alab, upos, lapnos, liyab, salab, sirít, hinga, hitbit, buga. Sa madali't salita, sa marubdob na damdamin at nakaliligalig na kaisipan. Ang mga napabilang sa antolohiyang ito ay sina Cristobal Fulgencio Alipio, Agatha Fave J. Buensalida, Kim Joshua Guirre Daño, Nicole Alize Dayrit, May Morales-Dolis, Jestoni Benjamin D. Enteroso, Andre Alfonso R. Gutierrez, Genesis Roy Historillo, John Christopher DG. Lubag, Kay O'Yek, Dhanica Ocumen, R. Olaguera, Will Preclaro, Claizza A. Regalado, Bernadette Requinata Reyes, Renz Rosario, Edgar R. Tamayo Jr., Tresa Siplante Traqueña, Christian Umali, at Melvin Uy. Sina Buensalida, O'Yek, Historillo, Rosario, Alipio, at Tamayo ang naglingkod bilang editor ng antolohiya at si Preclaro naman ang nagdisenyo ng mga pahina at pabalat.

Sa unang pagbasa sa may mahigit 100 pahinang aklat-antolohiyang *Baga*, marami ang tulang sadyang nang-aakit ng pansin at naggigiit ng sarili upang basahin at unawain.

Sa obserbasyon nga ni Dr. Romulo P. Baquiran Jr., propesor ng panitikan sa Departamento ng Filipino at Panitikan ng Unibersidad ng Pilipinas Diliman at isa sa unang walong kasapi ng LIRA, "Tunay na kahanga-hanga ang mga manunulat ng Batch Baga." Bagaman nagkakaparepareho ang ilan sa mga anyo ng pagtulang ginamit sanhi ng pagsunod ng mga manunulat sa mga leksiyong pinag-aralan sa panahon ng palihan, lumitaw ang indibidwalidad ng bawat isa at hindi maitatangi ang pangangibabaw ng sari-sariling tinig nila at pananaw. Dagdag na pansin pa ni Baquiran, "Isang pangunahing elemento ng mga akda ang *siste (wit)*. Ito ang nagbibigay ng katangiang mainit sa mga akda."

Unang nakatawag ng pansin ko sa mga tulang kabilang sa antolohiya, sanhi marahil sa pamagat nito, ang "Baga" ni R. Olaguera. Inakala kong sinadya niya itong sulatin bilang pagpupugay sa kanilang pangkat at paglilina sa pamagat ng kanilang aklat. Tila tamang-mali ang aking hinala. Ang baga na tinutukoy niya, na sinadya niyang layan ng tulduk na patwa upang mabigkas at maintindihan nang wasto, ay ang pulmon o "lungs." Ngunit, higit sa pagiging *bigò* ang itinanghal niya sa kaniyang tula, Matagumpay na nagamit niya ito bilang isang metapora. Narito ang tula:

**BAGÀ**  
ni R. Olaguera

Dito sa bahay na pula,  
Damdamin ko'y nakatira.

Bahay ng buntonghininga  
Na palaging bukás-sara.

At pinunò ko ng usok,  
Nangitim ang bawat sulok.

Dingding nito'y nasulasok,  
Hanggang tuluyang matupok

Ng apoy na puro poot;  
Natura'y abong malungkot.

At nang ito ay bumagsak,  
Dumating ang mga uwak.

Damdaming nakabibiyak,  
Dito ko lahat 'sinaksak.

Sa paraang literal, bagà ito na tumanggap ng lahat ng "apoy na puro poot" kayà bumagsak at pinuntahan ng mga uwak. Sa kabilang dako, isang "bahay na pula" ito, isang silid na "palaging bukás-sara" at "pinunò ko ng usok" kayà nasulasok, natupok at ang tanging natira rito ay "abong malungkot." May bisà ng katutubong bugtong ang akda bagaman malina sa karanasang kontemporaneo ang inatanghal. At, marahil produkto ito ng ebersiyos sa pagtutugmang tudlikan kayà magkakaauri ng bigkas ang mga pantugmang salita sa bawat saknong; nagtatapos sa a at mabilis sa saknong 1 at 2, nagtatapos sa katibing na may patinig na o at malumay sa saknong 3 at 4, nagtatapos sa katibing na may patinig na o at mabilis sa saknong 5, at nagtatapos sa katibing na may patinig na o at mabilis sa saknong 6 at 7. Ang mga tugma sa ikatlo at ikaanim na saknong ay mauuring dalisay.

(Itutulya sa susunod na labas)

# Toni at Alex, kakaiba ang closeness bilang magkapatid!

Ni MARICRIS VALDEZ-NICASIO

**S**INA Toni at Alex Gonzaga ay masasabing kabilang sa *most lovable na sisters* sa mundo ng *showbiz*.

Sina Toni (34) at Alex (30) ay lumaki sa pangkaraniwang *middle-class family* sa Taytay, Rizal sa mga magulang na sina Crisanta Gonzaga na mas kilala sa *showbiz-world* bilang Mommy Pinta at kay Carlito "Bonoy" Gonzaga, na vice mayor ngayon ng Taytay, Rizal.

Madalas, animo sila aso't pusa na nagbabangayan kahit sa *national live TV*, pero tanggap ito ng publiko at marami ang naaalih kina Toni at Alex kapag napapanood sila ng ganito. Nakikita kasi ng masa sa dalawa ang *typical* na magkapatid, may away man, may tampuhan, at kung ano-ano pa, pero lagi namang may pagmamahal sa kanilang kalooban para sa isa't isa.

Kaya maraming naaliliw sa dalawang mag-utol sa *entry* nila sa nagdaang 44th Metro Manila Film Festival na *Marry, Marry Me with Sam Milby*, Bayani Agbayani, Moi Bien, at Melai Cantiveros. Ito ay mula sa pamamahala ni Direk RC delos Reyes.

First time ni Toni na mag-produce sa ilalim ng kanyang TINCAN *film outfit* kasoy ang kanyang Mommy Pinta at si Alex at co-prod sila rito ng *husband* na si Direk Paul Soriano ng TENTI7P Production.

Nagbalik-tanaw nga ang aktris na noong maglilit pa sila ni Alex ay lagi nilang inaabangan ang paglipa sa MMFF sa pelikulang nais nilang mapanood.

Ani Toni, "I remember when we were kids we would always look forward sa MMFF and pipila kami sa isa sa movies na gusto naming mapanood. Then just forward to 20 years later, kasama na kaming dalawa na isa sa napanood sa MMFF."

Saad naman ni Alex, "Masaya makatrabaho ang ate ko kasi una sa lahat, feeling mo safe ka, feeling mo at home ka at wala ka sa work kasi nandoon ang ate mo. Yet at the same time mahirap din siya, kasi masyadong perfectionist ang ate ko at masyado rin niyang tsinetsik at ino-observe lahat ng galaw ko. So, parang mayroon akong nanay sa set."

Sa kanilang dalawa, si Toni ang nanunang makatikim ng buhay *showbiz*. Beta pa lang ay kaliwa't kanang auditions ang ginawa niya, dahil bukod sa pangarap maging artista, nais niyang makatulong sa kanilang pamilya.

Katagalan, pinalad naman si Toni at noong siya ay 18 years old, naging bahagi ng *softdrink commercial* na tinampukan ni Piolo Pascual. Sumunod ay dumating ang *biggest break* ni Toni nang maging isa siya sa Dabarkads ng *Eat Bulaga*.

Pero, ilalng naging maningning ang bituin ni Toni nang lumipat niya sa ABS-CBN noong 2005. Dito'y sumabak si Toni bilang *host* ng *Pinoy Big Brother* at tuluyang nagbago ang kanyang estado bilang *celebrity* at naging ganap na bituin na siya.

Kasabay ng paglipat sa bagong network, si Toni ay binigyan din ng *movie* at *recording contracts* ng ABS-CBN.

Si Alex naman, paglipas ng isang taon ay pumasok na rin sa *showbiz*. Pero kinalaunan ay mas nabigyan ng *break* bilang TV host sa TV5 at pati na rin sa pag-arte, na nabigyan siya ng *exclusive contract* mula 2008 hanggang 2013.

Nang natapos ang kontrata rito ni Alex, nagbalik siya sa Kapamilya Network noong 2013. Dito lalong lumitaw ang kanyang pagiging *kikay* bilang *host* at artista.

Lalong naging love ng marami nang nagkaroon ng sariling YouTube vlog noong 2017 si Alex.

Kapwa sikat man ang magkapatid, isinumpa nilang kahit kailan ay hindi magkakaroon ng *sibling rivalry* sa kanilang dalawa.

Kaya parehong pangako nina Toni at Alex sa isa't isa na kapag mayroon silang pinagdaanan o hindi sila okay, hindi raw sila haharap sa *media*, para makaiwas na may masabing hindi maganda sa isa't isa na kapwa nila pagsisisihan *later-on*. ☺



# Lance Raymundo, mas magfo-focus sa kanyang singing career ngayong 2019

Ni NONIE V. NICASIO

**I**SANG Christmas song ang huling *single* ni Lance Raymundo, na bagong version ng *Silent Night* at siya mismo ang gumawa ng *arrangement* nito in collaboration with Ramiro Matara.

Dahil natuwa ang Viva rito, *next month* ay magkakaroon si Lance ng bagong *single* na pinamagatang *Sina*, na original niyang komposisyon. Plano rin ng kanyang *home studio* na mag-mag-focus si Lance sa kanyang *singing career* ngayong 2019.

Esplika ni Lance, "Oo naman because 'yun naman talaga iyong ano, di ba? I mean, I entered *showbiz* as a singer and as a songwriter pero hindi talaga na-explora nang mabuti kasi noong time na 'yun, I was still in school and I was busy with my girlfriend."

"So, parang hindi ako masyadong nagbigay ng one hundred percent. Kung kailan ready na ako magbigay ng one hundred percent, namatay naman 'yung manager ko (Angie Magbarua) and then I ended up with finding my way back in through acting. Tapos 'yun nga, because of Viva Records at salamat sa tiwala ng Viva, I finally have a contract to release music."

Inusisa rin namin siya kung sino ang artist na gusto niyang maka-collaborate at ang sagot ni Lance, si KZ Tandingan. Bilib daw kasi siya sa galing ni KZ at isa siyang fan ng singer.

Sa ngayon, may tinatapos na pelikula si Lance na siya ang bida under Direk Elwood Perez. May papel din siya sa *movie* ni



Larawang kaba ni Wilson Ferrer

Nadine Lustre titled *Inuik*.

Nabanggit din ni Lance na kahit mas magfo-focus siya sa kanyang *singing career* ngayon, ngunit kung may offer daw para maging actor or event host, game pa rin siyang gawin ito.

Naibahagi rin ni Lance na posible siyang makasali sa isang American series. Umaasa siyang makapasok dito, "I'm shortlisted, although mawawala ako rito for a couple of weeks if I get the role. I'll be shooting abroad," sambit pa niya.

Idiniin pa ni Lance na game raw siyang pagsabayin ang acting at singing. Pero ang talagang higit na ipinapush siya ngayon ay bilang singer. Handa naman daw siyang maghintay na mas maging establish na siya bilang mang-aawit at recording artist. ☺

## Higit Na Matibay

(Mula sa pahina 13)

Inakbayan siya ni Sonny. "Okey na 'yan. Next time, sa sine natin vakagin!" Napahikab siya sa halip na sumagot.

SA sarili, inaamin niya, naghahanap din siya ng *adventure*. Hindi ba't sa kanyang pag-isa ay rinanasaman pa rin niya sa imahinasyon ang *kiss* nila ni Zeny? Hanggang ngayon, na magkasama sila sa parlor ay nakakaarte ito na parang wala lang. Minsan naman, nahuhuli niya si Zeny na may pilyang ngiti sa sulok ng labi, parang may inilipit na kapilyahan. Magiliw pa rin naman ito sa kanya, at malimit, kasalo siya sa baon nitong pagkain.

Minsan, habang magkasalo sila sa tanghalian, nagtanong si Zeny, "Nililigawan mo ba 'yung pumupunta dito'ng naka-scooter?"

"Si Jonna? Hindi. Barkada lang kami."

"Ba't di mo ligawan? Halata namang gusto ka no'n."

"Si Jonna? E mas much pang umasta kesa sa 'kin' 'yon..."

"Type ka no'n," sabi ni Zeny. "Hindi ka lang makahalata."

Pagkatapos ay tinitigan siya nang malagkit. "Ang lalaki, dapat malakas makiramdam."

May nabubuong hinala sa kanyang dibdib pero agad din niyang sinupil. Baka naman masyado lamang siyang suspetsoso. Baka talagang si Jonna ang tinutukoy nito. Baka walang ibig sabihin ang malagkit na titik nito.

Pinapag-isip uli siya nang malalagkit na titik ni Zeny.

Hindi nga natapos ang linggong iyon, nakatanggap siya ng text mula kay Nets. Nangungumusta. Pagkatapos, idinugtong na gusto nitong gumimik. Ipinaalam sa kanya na nasa Pasig si Lani, nag-asapay ng trabaho at wala itong mayakag.

Nahiwatigan ni Lani na naghahanap ng *date* si Nets.

Itinanong niya sa text kung sino nitong gustong pumunta. Bahala raw siya, sagot.

Noon ay pasado alas-dos pa lamang. May dalawang oras

pa bago siya makaalis sa parlor pero puwede naman siyang makiusap kay Zeny lalo't wala namang kostumer. Nakipag-sara siya kay Nets na magkita sila sa botika sa Binakayan bangang alas-singko.

Ibinabalik niya ang *cellphone* sa kanyang balsa ay naaalala pa niya si Nets: ang tla *girlish* nitong ngiti, ang matatambok na pisngi. Kilos-taon-ager pero sa inuman, puwedeng pang-*derby*. Naalala rin niya ang maumbok nitong *boobs*. Naasam niyang sana'y alas-singko na.

Nang magpaalam siya kay Zeny na mag-a-*undertime* siya, muli niyang nakita ang pilyang ngiting iyon.

"Excited ka, a? Me date ka, no?"

"W-Wala..."

Hindi naman nagpilit alamin kung bakit *undertime* siya. Bigayan kasi sila sa parlor. Pag si Zeny naman ang may lakad at siya ang maliwanag doon, wala rin naman siyang reklamo. At saka, wala ngang kostumer.

Palabas na siya ng parlor nang humirit pa si Zeny. "Ingat sila sa 'yo!"

Nauna pa sa kanya sa botika si Nets. Ang suot nito ay blusang may mababang cut sa dibdib, bahagyang slip ang cleavage, at pulang hapat na jeans. Lumuwang ang pagkakangiti nang makita siya.

"Akala ko iind'yanin mo 'ko, e..."

"P'weede ba 'yon? Nagmamadali nga ako...!"

Napangiti uli si Nets. Dumurdula na yata ang dila niya, naisip ni Jonna. At naalala niya si Sonny. Hindi naman ito kagandahang lalaki, matim pa nga, at sa tangkad, sisiw sa kanya. Pero, ma-chicks, lapitin ng *girls*. Bakit? Una, galante si Sonny, gumagastos. Pangalawa, bolero.

Sa pagiging galante, hindi niya kanyang sabayan si Sonny, pero sa tamis at dulas ng dila, puwede. Baka mahigitan pa niya. Lalo't sa tingin niya, si Nets, tulad ni Lani, ay mababaw rin ang kaligayahan.

(ITUTULOY)